

14. oktober 2015

UKA 2015/124

Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaasinnaasunik akiuiniarneq pillugu Inatsisartut inatsi-saat nr. Xx xx 2015-imeersoq

(Aalisarnermut Piniarnermut Nunalerinermullu Naalakkersuisoq)

Uummasut nappaataat inunnut tuniluussinnaasut pillugit akiuiniarnissamut nutaatut inatsisissatut siunnersuut Siumumit imaattumik oqaaseqarfigissuarput.

Nalunngilarput ilisimallugulu inatsisit naleqqussartuarneqartariaqartut, taamaattumik pisariaqalersimasut ilagivaat uumasut nappaatasa inunnut tuniluussinnaasut suli pitsaanerusumik nakkutiginnissaat ingalassimaarniarneqarnissaallu, tamakkulu eqaanne-rusumik nakkutigineqassappata naleqqussaanissaq saneqqunneqarsinnaanngitsoq Siu-mumiik isumaqarpugut.

Uumasut nappaataannik akiuiniarneq nakkutiginninnerlu uagut inuiaat nammineer-luta akisussaaffigaarput, Peqqinnissaqarfiullu akisussaaffigai innuttaasut peqqissuu-nissai nakkutigissallugit, kiisalu nappaammik tunillaneqarsimappata suussusersinis-saa katsorsarnissaalu.

Uumasut nappaataat inuussutissat aqutugalugit tuniluuttut inuit ajoqusiinnartanngi-laas, aammali inuussutissanik tunisassiorfiit niivernerisigut aningaasaqarnikkullu eqqornerlussinnaavaat naammattumik peqqissaartumillu nakkutigineqanngippata.

Aammalu eqqummaariffigisariaqartut ilagivaat uummasut nunatsinninngaanniinngit-sut eqquusunneqarnerat, taakkualu maleruagassiuunneqarnissaat ilanngunneqarmat Siumumiit pissusissamisoortutut isigaarput, taakkua uummasut nappaataannik tuni-luussinnaasunik inunnut siammarterisinnaapput nerisassat aqutugalugit, assersuutigi-neqartunut ilaapput, teriarsuit uummasut kumaat pillertallu, pinngitsoortinneqassap-patalu sukannersumik sinaakkusersuinissaq saneqqunneqarsinnaanngilaq.

Taamatut naatsumik oqaaseqarluta, Aalisarnermut Piniarnermut Nunalerinermullu
ataatsimiititaliamut aappassaaneerneqannginnerani peqqissaartumik misissorneqar-nissaa
inassutingaarput.

Nikolaj Jeremiassen

Siumut